

Thom anderen / Dat Godt
dat Meer vnde synen gebruck / den
mynschen thom besten geschapen
vnd wyslick geordent hefft: Psalm:
ciiiij. Dere wo synt dyne wercke so
groth / vnde so vele: du hefft se alle
so wyslick geordent / vnd de erde ys
vull dyner gūder / dat Meer / dat so
groth vnd wyth ys / dar wōmmelt
ydt ynne / ane tall / beyde grote vnde
kleene Deerte. Dar suluest ghan de
Schepe / dar synt Walfische / de du
gemaket hefft / dat se darynne spē
len.

Thom drüdden / Dat Godt
solckes darumme gedan hefft / dat
de minschen en daruor lauen / eeren
vnd prisen schōlen / vnd em alle tydt
dancken van gantzem herten / vnde
sick yn em frōuwen vnde frōlick syn
auer alle syne woldadt: Psalm: cxlvij.
Lauet den Heren vp erdē / gy Wal-
fische vnd alle dūpede. Psalm: cxlvj.
Lauet den Heren myne Seele / de
Hemmel / Erden / Meer / vnd allent
wat darynne ys / gemaket hefft.

Thom